



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 429. Usque Ad Annum 483

Fleury, Claude

August. Vind. [u.a.], 1759

VD18 90117816

§. 19. Epistola Joannis Antiocheni ad Nestorium.

[urn:nbn:de:hbz:466:1-66052](https://nbn-resolving.org/urn:nbn:de:hbz:466:1-66052)

Sæculum V. auxiliari misellis nemo posset, deprehen-
 A. C. 430. dissent, aliasque partes cœteris magis
 carnosas, amputarent. S. Palladius in
 Scotiam Episcopus missus est, cum Bas-
 fus, & Antiochus Consulatum gerent,
 inid est, cum annus a reparata Salute 431.
 Prosp. Chron. volveretur.

§. XIX.

Epistola Joannis Antiocheni ad Nestorium.

Sanctus Cyrillus acceptis per Diaconum
 Possidonium S. Cœlestini Papæ episto-
 lis, easdem, ad quos pertinebant, submi-
 sit. Suas etiam junxit illis, quæ ad Jo-
 annem Antiochenum, & Juvenalem Je-
 rosolymitanum directæ erant. Juvenalis
 ante tres, quatuorve annos Prayli succes-
 ferat. Joannem hortatur, ut, quid facere
 vellet, statuatur, aperiens, apud se constitu-
 tum, Papæ sententiam sequi, & Episcopo-
 rum Occidentis, ut eorum communio-
 nem servaret. Ad Juvenalem dicit: Im-
 peratori scribendum, Religionis Præsi-
 dium susciperet, & Ecclesiam hoc Pseu-
 do-Pastore liberaret. Utrique indicat,
 nihil a se intentatum jam esse, quo Ne-
 storius ad meliora reduci potuisset.

Joannes Antiochenus in paucis erat
 amicus Nestorii, qui inter suos Clericos
 delectus ad Episcopatum fuerat. Itaque
 cum S. Cyrilli epistolam accepisset, ad
 eum scripsit, mittens ejusdem, & S. Cœ-
 lestini

lestini Papæ exempla adjuncta. Hortor, ^{Sæculum V.}
 inquit: *hos eo animo legas, ut legendo non* ^{A.C. 430.}
turberis, cum ob ejusmodi impetus sæpe con- ^{I. p. Conc.}
tentiones, & noxia obstinatio nascantur. ^{Eph. c. 25.}
 Sed etiam, prosequitur: *ne hanc causam*
spernas, ea enim est Dæmonis astutia, ut
superbos in præcipitium impellat, unde non
amplius eluctari possunt. Has epistolas
animo collecto legas, ad hoc examen voca
amicorum tuorum aliquos, quibus liberta-
tem facias, ut tibi, quæ utilia sunt magis,
quam quæ placent, suggerant. Quamvis
terminus decem dierum, in epistola Sanctis-
simi Episcopi Cælestini præfixus, sit bre-
vissimus, tamen nihil obstat, quin possis
hanc rem una die, imo paucis horis confi-
cere. Nam quid facilius, quam, dum de In-
carnatione Domini nostri sermo est, voce
congrua uti, a multis Patrum usitata, &
quæ vere nativitatem ejus ex Virgine ex-
primat? hanc vocem tanquam periculosam
rejicere non debes, nec credere, dedecori
tibi fore, si animum mutes. Si idem tibi
sensus est, qui Patribus, & Ecclesiæ Docto-
ribus, ut ex viris mihi, tibi que communi
amicitia junctis, audivi, cur sanam tuam
Doctrinam palam edicere reformides? præ-
sertim postquam tantæ turbæ tui causa ex-
ortæ? nam scias jam hanc quæstionem pro-
pe nos, & procul a nobis agitari, tota com-
mota est Ecclesia, quotidie Fideles, & ubi-
que ob unam vocem rixantur. Hæc cla-

Joannes An-
 tiochenus ad
 Nestorium.

Sæculum V.
A.C. 430.

re e re ipsa perspicies. Occidens, Ægyptus, & forte etiam Macedonia unionem, quam Deus Ecclesiæ suæ post tot Episcoporum, præcipue Magni Acacii labores concessit, dissolvere statuerunt. Hic loquitur de Acacio Bereensi, & Ecclesiæ unionem, quæ Schismati Antiocheno, sub Episcopo Alexandro, & S. Innocentio Papa finem imposuit.

Sup. XXIII
S. 7.

Tum Joannes fortiter instat, ut Nestorius vocem: *Mater Dei*, THEOTOCOS, adhibeat, quia nullus Doctorum Ecclesiæ hanc vocem rejecisset, & multi eam usurpassent, quin a cæteris, qui abstinebant, reprehenderentur. Probat, hujus vocis: *Mater Dei*, significationem damnari non posse, nisi quis in errores noxios labi velit; inde enim contra manifestam Scripturæ auctoritatem sequi, non Deum fuisse incarnatum, & formam Servi accipiendo exinanitum. Subjungit: *si ante has litteras multi vehementer nobis erant infesti, quid modo facient, tanta auctoritate roborati? Hæc tibi scribo, non solus, sed consilio adjutus multorum Episcoporum, amicorum tuorum, qui præsentem erant, cum funestæ illæ litteræ mihi redderentur, videlicet Archelaus, Apringius, Theodoretus, Heliades, Meletius, & Macarius, nuper in Episcopum Laodicenum ordinatus. Solius istius ultimi Sedem designat, quia cæteri Nestorio aliunde erant*
noti.

noti. Joannes Antiochenus simul ad Co-
 mitem Irenæum, utriusque amicū, at-
 que Episcopus Museum, & Helladium
 litteras dedit.

Sæculum V.
 A. C. 430.

§. XX.

Responsum Nestorii.

Nestorius, omnibus his litteris perlectis,
 Joanni comiter respondit, sed re ipsa
 contumax in errore permansit. *Credi-*
dissim, inquit: nulli calumniarum generi
me minus obnoxium, quam quod in fide er-
rarem, me, inquam, qui usque in hanc diem
contra omnes Hæreses fortiter decertavi!
 Et inferius: *inveni hanc Ecclesiam divi-*
sam; aliqui S. Virginem Matrem Dei tan-
tum, THEOTOCOS, appellabant, alii Matrem
hominis tantum, ANTHROPOTOCOS; ut
utramque partem conciliarem, vocavi Ma-
trem Christi CHRISTOTOCOS, quod Nomen
clare unum, & alterum, Deum, & Homi-
nem significat. Quiesce igitur hac super
causa & persuasum tibi habe, eandem mihi
semper in vera fide constare sententiam, si
nos in Concilio, quod congregandum spera-
mus, viderimus, omnia sine scandalo, &
in charitate componemus. Nemo minus
te ipso Ægyptii temeritatem miretur, cu-
jus tot tibi specimina sunt. Brevi, Deo
dante, quæ hucusque feci, omnibus proba-
buntur. Hactenus Nestorii responsio.

Synodic.
 Baluz. al.
 coll. Chr.
 Lup. t. 3.